



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

3. De baiulatione Crucis.

[urn:nbn:de:hbz:466:1-60091](#)

bili erga tam ingratos commiseratio-
nis & dilectionis excessu? Compassio,
gratitudo, amor, zelus Christum in-
ferendis iniurijs æmulandi.

III. De Baiulatione Crucis. Ioan. 19.

I. **L**Atâ mortis in auctorem vitæ
Iesum sententia, applaudenti-
bus Iudæis, confestim ab improbis
ministris & lictoribus immaniter pur-
purea chlamyde iam vulneribus eius
tenacius adhærente exiuit, nudus,
rursum ab omnibus deridendus pro-
stituitur, suis deinde vestimentis in-
dutus graui crucis quindecim longæ
pedes, octo latæ oneratur ligno, in
quo in monte Caluariæ immolaretur:
sicut olim Isaaco ligna sacrificij im-
posta fuerunt deferenda in montem, ubi
sacrificaretur. Quanta alacritate Sal-
uator noster voti tandem sui compos-
factus, regnaturus à ligno hoc regale
crucis sceptrum obuijs brachijs am-
plexatus fuerit? quanta mentis exulta-
tione, videns impletum illud: Dabo
clauem domus David super humerum eius.
Et: fatus est principatus super humerum
eius, paratam sibi crucem, dissuauiatus
fuerit? multò dubio procul maiore,
quam

Gen. 22.

Isa. 22.

Isa. 9.

quā olim sanctus Andreas à longè fa-
lutarit. Quē tam ingens ardor amoris &
Christi sic anbelantis ad crucis oppro-
brium, non accendat ad expetendum
& amplectendum crucis & oppro-
biorum eius consortium? Amor cru-
cis, resignatio.

H. Baiulans sibi crucem educitur in
montem Caluariæ, à Pilati palatio
mille viginti passibus distitum. Enī ut
alter Isaac, non iam lignorum fascem,
in quo aries immolandus, vegeto cor-
pore gestans, ab amantissimo parente
Abraham, ignem & gladium quidem
ferente, sed blandè simul filium con-
solante, ad montem visionis peraman-
ter educitur: sed ponderosam crucis
trabem, in qua ipsemē victimandus,
faucijs suis humeris impositam ægre
trahens, ab immannissimis Sathanæ
ministris illum probrösè criminanti-
bus & inhumaniter propellentibus
ad montem Caluariæ raptatur. Quam
prompto hilarique animo hoc sacrum
onus baiular, intuens non Iudæo-
rum & Carnificum, illud ex odio sibi
imponentium crudelitatem; sed Pa-
tris cœlestis decretum; ex misericor-
dia & iustitia sic permittentis in
proprio filio expiari omnium homi-

num iniquitatem. Quam pios amoris erga Patrem, & miserationis erga omnes, maximè Electos, affectus ex intimis cordis sui penetralibus in hac via crucis elicuerit? quam ardenter veniam & misericordiam suis persecutoribus, copiosam gratiam suis imitatoribus exorarit? Quomodo sibi congratulatus fuerit iam instare horam ab æterno decretam, quæ peccata mundi per crucem expiareret, impleretque illud Isaiæ vaticinium: Posuit in eo Dominus iniquitatem omnium nostrum: Compassio, gratitudo, zelus perfectæ resignationis.

Isa. 53.

Isa. 53.

III. Et quidem inter alios duos nequam ad maiorem contumeliam educitur crucifigendus rex gloriæ, auctor omnis innocentiae. Quam incomprehensibili intimæ humilitatis, mansuetudinis, resignationis sensu hoc tolerarit, non intuens præsens opprobriū, sed sanctum æterni Patris beneplacitum; gaudensque se posse implere illud: Sicut ovis ad occisionem ducetur, & quasi coram iudicante se obmutescet, & non aperiet os suum! Zelus imitandi Christi humilitatem, & resignationem,

(. . .)

31